

من دروس التفسير 63 تفسير سورة البقرة (1)- فضل سورة البقرة

- الشيخ صالح بن طه ابو اسلام

صالح بن طه عبدالواحد

ان الحمد لله نحمده ونستعينه ونستغفره. ونعوذ بالله من شرور انفسنا وسيئات اعمالنا. من يهده الله فلا مضل له. ومن يضل فلا هادي له. واشهد ان لا اله الا الله وحده لا شريك له. واشهد ان - [00:00:03](#)

محمدا عبده ورسوله. اللهم صل على محمد وعلى اله وصحبه. ومن استن بسنته الى يوم الدين. اما بعد فان اصدق الحديث كلام الله وخير الهدي هدي محمد صلى الله عليه وسلم وشر الامور محدثاتها وكل محدثة - [00:00:23](#)

بدعة وكلها بدعة ضلالة وكل ضلالة في النار. درسنا اليوم كما تعودنا في مادة التفسير وانتهينا من تفسير سورة الفاتحة ووقفنا على سورة البقرة وقبل ان نبدأ في سورة البقرة للشيخ عبد الرحمن السعدي رحمه الله - [00:00:43](#)

لابد ان نتكلم عن فضل سورة البقرة وفيها اعظم اية في القرآن وهي اية الكرسي نتكلم عن فضلها وفيها اخر ايتين من قرأ بهما في ليلته كفتاه فلا بد ان يكون الانسان على بينة من فضل هذه السورة العظيمة فسورة البقرة - [00:01:13](#)

بركة. سورة البقرة بركة فيها سر عجيب. لها علاقة بالشياطين ولها علاقة الملائكة ولها علاقة بالانسان. سورة عظيمة جدا. يعني انسان ما يكون حافظ منكم سورة البقرة محروم لازم تكون حافظ سورة البقرة. تخلص سورة البقرة تحفظ معاها سورة ال عمران - [00:01:43](#)

كثير من الشباب بس حفظ سورة البقرة واتشجع وحفظ سورة ال عمران تشجع وضل ماشي في القرآن لما خلص القرآن ان شاء الله من اهل القرآن. فالقرآن هو كلام الله وهو تجارة رابحة. فاليوم دارسينها حول فضائل سورة البقرة - [00:02:13](#)

فضائل اية الكرسي فضائل اخر ايتين من سورة البقرة. ما دمت بدنا نتكلم عن سورة الايش؟ البقرة. بحيث ما بنخلصها تفسير الا اللي مش حافظها يكون ايش ان شاء الله؟ حافظها. وهذي الفضائل سورة البقرة انا طبعا مصورها من - [00:02:33](#)

كتاب وجايبها عندي مش موجودة عنديكم هي في هذا. فانت اسمعها واذا حبيتوا ان تتحصل على الاحاديث صاحب الكتاب جمعها آآ بس نخلص زي ما قلت لكم اياها ان شاء الله صوروها. الحديث الاول عن ابي هريرة - [00:02:53](#)

رضي الله عنه قال قال رسول الله صلى الله عليه وسلم لا تجعلوا بيوتكم مقابر. فان الشيطان كان ينفر من البيت الذي تقرأ فيه سورة البقرة. وقف بقى مع الحديث هذا - [00:03:13](#)

لا تجعلوا بيوتكم مقاما. لان المقابر ايش؟ فيها قرآن. امال ايش اللي بنشوف هذا من الدالة اللي استدل بها على ان ايش؟ قراءة القرآن في المقابر ليس من دين وان اللي بيقرأوها دولت عشان يتكسبوا في القرآن. وان اللي بيخلوهم يقرأوها دول ما يفهموش اشي في الدين. القرآن يا اخواني - [00:03:33](#)

نزل الاحياء مش للاموات. لينذر من كان حيا. ويحق القول على الكافرين. فهو للاحياء لكن الناس ما بدا اشي اللي بلاهم. يوم العيد بدل ما يوم عيد يوم العيد مش يوم العيد يوم فرح - [00:04:03](#)

مش في العيد الانسان يفرح ويدخل السرور على اهله وعلى اولاده وعلى اقاربه. اول شيء يببداوه الناس يوم العيد بيروحوا وين؟ على الميتين الشيطان شغال صح فيهم. عشان يضيع عليهم الاجر بدل ما يروح على على الاقارب ويصل الرحم - [00:04:23](#)

بيروح الاموات ويعتقد ان الميت كل قرايبه راحوا يعيدوا عليه عليه وهو الميت تبعها زعلان وحط ايده على خده في القبر لان قرايبه

ما راحوش واجمع ويضيع صلاة العيد وتبرج وبياخدوا القهوة ويقعدوا هناك عند القبر - 00:04:43

الميت بده يطلع من القبر ويشرب. يطلع يشرب قهوة وياكل كعكة معهم. عشان تعرف كيف الشيطان بيشتغل معك الشرع بيأمر انك تطلع زكاة المال للفقير ايش؟ مال. تعطي له اياه مال حر هو - 00:05:03

ما له حق هذا. تقول يا مال هو يتصرف فيها. بيجي الشيطان يقول لك طب ما انت لو اعطيته مال هيدخن. لو اعطيته مال هيروح مش عارف ايه؟ لأ رح اشتري له طعام ورز وطحين وودي له اياه عشان ما لو فلوس هيدخن بها. خالف الشرع في - 00:05:23
كانت الفطر الشرعي بقول طلعت الزكاة ايش؟ طعام. بيجي الشيطان يقول لك ايه؟ لا يا عم ما اظبطش الرجل الدنيا عيد وبده يجيب فعل الولاد تعطي له طعام هو شو بده في الرز؟ يقوموا يطلعوا الناس زكاة الفطر ايش؟ فلوس مال مش طعام عشان ما يؤجر -

00:05:43

ولا يؤجرون. انت ليش ما تقول سمعنا واطعنا وبس؟ فيا اخوان بدك كيف تعرف كيف الشرع شوف انت بدك تعرف ايش الله بده منك.

وتفعله. ما لك علاقة وتدور وايش الي - 00:06:03

عند الله ما لك علاقة. انت ايش بيأمرك سيدك وانت عبد فما عليك الا تقول سمعنا وايش؟ اطعنا اذا المقابر ما تقرأ فيها ايش؟ القرآن.

وكذلك المقابر لا يجوز الصلاة فيها. الا في - 00:06:23

واحدة بس اذا مات الميت ولسه جديد وانت ما صلتش عليه وجاي من بعيد يجوز لك تصلي صلاة الجنازة بس على الميت في المقبرة اما غير هيك ما بجوز. غير هيك ما بجوز. في بعض الناس بشدتها شوية يقول لك طيب المسجد الموجود في مقبرة المقبرة

الاسلامية والسحاب هذا - 00:06:43

هل هذا المسجد يعتبر في المقابر ولا يجوز الصلاة فيه؟ لا هو ما لوش علاقة بالمقابر ولا بني على المقابر. وبينه وبين المقابر فيه سوق رصيف وفيه طريق ويل وامام فيجوز تصلي فيه. حتى هناك بعض اخوانا كان يفتن لا يجوز الصلاة فيه. قلت له انا كنت مع الشيخ

الالباني وصلى فيه صلاة - 00:07:03

الظهر وصلينا على الجنازة بالمسجد. حتى اقتنع يعني. فهذا مسجد يجوز الصلاة فيه. اما انك تصلي في المقبرة تيجي في المقبرة هيك وتصلي او الى القبر او غير ذلك. مسجد مثلاً زي مسجد اليرموك هذا مبني بجوار الايش؟ بجوار المقبرة. يقول ما نصليش فيه؟ لا

يا اخي هو ما اله علاقة - 00:07:23

المقبرة لكن مسجد المبني على قبر او مبني على قبور وتعظيم للقبور وللميت اللي متون هنا هنا الكلام اللي تكلم عنه تكلمنا عن في

كتاب شيخنا تحذير الساجد من الايش؟ من اتخاذا القبور مساجد. طيب ان الشيطان ينفر - 00:07:43

شو معنى ينفر؟ بيشرط شوي ولا بيطير. ولا هو ضراط. شو معنى ولا هو ضراط يا اه عمرك شفت الحمار لما تولع معه؟ اه هو

زيه بالزبط. يعني اشي - 00:08:03

اشي ذبحه. يجوا الانسان يكون ملموس مثلاً ويقعد يطلع الشيطان ويحكي معه ويصير يسولف معه. وانا اطلع وانا مؤمن وانا كويس وانا مش عارف منين وانا بخدمك وبصر اتعامل معك. عشان ما تقراش عليه قرآن. انت اقرأ قرآن. الانسان اذا كان في مثل هذا -

00:08:23

ما يقرأ غير القرآن بس لان هو ما يتحمل قرآن وخاصة سورة الايش؟ اذا سورة البقرة بتطلع الشيطان من البيت فما بالك اذا كان الشيطان في الانزال بتطلعه ولا لأ؟ اما تقعد تدور لك على آيات وتقعد تعمل لي رقية بخمستاشر دينار وحجامة بعشر دنانير -

00:08:43

وشغلة وكل هذا يا عم اشتغل لله احسن. اشتغل لله عشان يكون شغلك فيه بركة. عيادة. اه ايها ينفر من البيت الذي تقرأ فيه سورة

البقرة. والبيوت مليانة اليوم بالشياطين. فلازم الانسان - 00:09:03

يحاول انه ايش عالقل في الاسبوع يقرأ سورة البقرة مرة. يجي واحد يقول لك والله يا شيخ بشوف التناجر بتفتح بتتحرك والغاز

بيولع والاباجور بيطلع لحاله. بسم الله الرحمن الرحيم. يعني والله كلنا عنا ابوجارات وعنا - 00:09:23

المهم ممكن الشيطان يفعل ذلك. فبيقرأ سورة البقرة. اقرأ تاني بقول انت قريتها قالوا والله فتحت المسجل. لا يا عمي اقرأها انت انت
اقرأها انت والي بيتك وارجع الى الله عز وجل. فيش شياطين. انت لما بتفوت - [00:09:43](#)

بتقول بسم الله وتقول السلام عليكم. قال لا. قلت له طيب. هذا انت عامل فندق للشياطين فاتح فندق للشياطين عندك شياطين من
كل العالم. بتسمي انت وعيالك لما تاكلهم؟ قال لا والله ما بنسمي. هاي مطعم فاتح مطعم للشياطين - [00:10:03](#)

فيا اخوان سورة البقرة مهمة جدا. اه بتلاقي نفسك قاعد في امان ولا انت ضارب المرة والمرة ضاربك واطلقت المرة والدنيا كلها
خربت ايش اللي سوى كل هذا؟ في شياطين يعني تمر يمر شهر ويمر سنة - [00:10:23](#)

سورة البقرة في بيتك. هل سمعت الحديث الان ان يعني اقرأ سورة البقرة قد ما تقدر في بيتك علشان شياطين. وتكون حريص جدا.
وانت داخل تقول بسم الله. اما تاكل قول بسم الله. اه تقرأ سورة البقرة. انت في - [00:10:43](#)

هذا العدو ان الشيطان لكم عدو فاتخذوه عدوا. فيه انت لما يكون الك عدو بتاخذ حذرك منه ولا ما بتاخذ؟ الله اخبارك بان هذا
الشيطان عدو ميت. وبعدين العدو لما بتشوفه لما بتشوفه بين ويكون انس بتحذره. اما هذا انت ما بتشوفه. يعني بفوت وبيطلع
وانت مش منتبه - [00:11:03](#)

اذا لو سألت مثلا شو علاقة اه اه سورة البقرة بالشياطين؟ ايش الجواب كان في الشياطين من سورة البقرة. طيب الحديث الثاني عن
اسيد ابن حضير رضي الله عنه قال بينما - [00:11:23](#)

وهو يقرأ من الليل سورة البقرة سورة بقرة قايم بالليل يصلي ايش؟ سورة البقرة كان الصحابة اذا واحد منهم حفظ سورة البقرة
ايش؟ ارتفع. مش كبير سورة البقرة ايوه وفرسه مربوطه عنده. الراجل بيصلي والفرس جه وراه - [00:11:43](#)

لما بقرأ الحديس هذا بتذكر لما واحنا صغار في القرية زمان لما كانت تولد البقرة ولا الجاموسة نفرح بالموت بالعجل الجديد الصغير
هذا لانه امه حتصير ايش؟ حتصير تحلب ويصير فيه حليب نشرب حليب بيصير فيه خير وبعدين يعني - [00:12:13](#)

البقرة جابت بقرة يعني صار في فلوس لما تبيعه بجيب. فقدم احنا مبسوطين عليه وعلشان ما يبردش. كنا نايمين معنا في الغرفة
والله. ما يههم معنا في الغرفة يصير بينك وبين الحيوان الصغير ايش؟ الفة. والله لما - [00:12:33](#)

عمرك نمت معايا في الزمان ايام السفر. مع مع العنزة ما نمتش؟ في راسها هي في راسي. اتاريك يا فراس ما شاء الحقيقة في حياة
حلوة. حياة الفلاحين هذه حياة حلوة. حبوا بعض - [00:12:53](#)

الان صاروا كان لما واحد ما عندوش حليب كل القرية تودي له حليب بس هو اغنى واحد. هذا يوديله هذا يوديه له. اليوم صاروا
الحليب صار منهم عداوة وصار بينهم شقاق وصار بينهم قطيعة. يا صيف لما تدخل المادية بين الناس - [00:13:13](#)

ايوة آاذ جالت الفرس شو قالت؟ هو بيقراً؟ تحركت يعني. فسكت انت سامع صوت سمع صوت سكت فسكنت الفرس ثم قرأ فجالت
الفرس فانصرف كان ابنه يحيى قريباً منها اي ويقول فاشفق خاف عليها تتحرك ايش؟ تصيب الولد اللي نايم - [00:13:33](#)

ايوة بيصلي والولد نايم. طبعا اكيد والمرة كمان ايش؟ والمرة نائمة يعني نايمين مع آبرة كله مع بعضه ايوا يقول فلما اجتريه شو
معنى اجتريه؟ راح على يحيى خايف عليه من الفرس فاضطر - [00:14:03](#)

شو معنا؟ بالفلاح جره. يعني سحبه بعيد عن الفرس حتى ليش؟ ما رفع رأسه الى السماء حتى ما يراها. ايوة فلما اصبح حدث النبي
صلى الله عليه وسلم فقال للنبي صلى الله عليه وسلم اقرأ يا ابن - [00:14:23](#)

ابن حزير. اقرأ يا ابن حضير. يعني اقرأ. قال لك اقرأ ما توقف. قال فاشفقت يا رسول الله ان تطأ يحيى. وكان منها فرفعت رأسي
فانصرفت اليه. الى يحيى. يقول فرفعت رأسي الى السماء. شف ايش الفيه؟ فاذا - [00:14:43](#)

اه مثل الظلة فيها امثال المصابيح. يعني تتصور مثلاً زي الثريا هيك. وفيها مصابيح فعرجت حتى لا اراها. ضلت تطلع. لما وقفت
ضلت تطلع تطلع تطلع. قال النبي صلى الله عليه وسلم - [00:15:03](#)

وتدري ما ذاك؟ تدري ايش اللي مثل الذل لو فيها مصابيح هذي؟ قال لا قال تلك الملائكة دنت لصوتك ولو قرأت لاصبحت لاصبحت
ينظر الناس اليها لا تتواصى لو حضرتك في قراءة للصبح لضلت والناس اصبحوا يشوفوها. اذا ايش علاقة الملائكة بسورة البقرة -

تتنزل لقراءتها. تتنزل قراءتها. لان في اول الحديث ايش؟ انه ايوه بينما هو يقرأ من الليل سورة البقرة. الملائكة تنزل بالقرآن كله. لكن تتنزل اكثر كمان لمين؟ سورة البقرة. مثلاً - [00:15:53](#)

خليه يطلع اه بكرة ويقرأ سورة البقرة. ويشوف اشي. بس هذول الصحابة ابن حضيرة هذا كان صوته ايش؟ صوته جميل. يعني لما يقرأوا من ايش بيقرأ؟ بيعرف ان القرآن كلام الله يعني اللي بيخاطبك مين؟ هو الله - [00:16:13](#)
والله تصور الايات كما في الركعة الاولى واشرقت الارض بنور ربها لا في شمس ولا قمر ولا كهرباء ووضع الكتاب. وجيء بالنبيين كلهم والشهداء وقضي بينهم بالحق وهم لا يظلمون اوفيت كل نفس ما عملت. مش العمل - [00:16:43](#)
صاحبك انت ايش عملت؟ اذا سوء الجزاء بكون اسوأ واذا حسن الجزاء بكون احسن ووفيت كل نفس ما عملت وهو اعلم بما يفعلون. لا تفكر ان تخفى على الله عز وجل - [00:17:13](#)

عز وجل في وين ما تروح وين ما تتكلم كل شيه بسجل عليك. فبد الانسان يكون دايم ايش صاحي بدك تاكل لله. بدك تتزوج لله. بدك تحج لله. بدك تصوم لله. بدك اه تبتسم في وجه اخيك لله. بدك - [00:17:33](#)

تصافحوا لله كل شيه كل شغلك يكون لمين لأ الغالب على الناس اليوم كل شغلهم لمين؟ للناس للناس بتلاقي صحبة بين اثنين تقول معقول هدي لله بس تخلص المصلحة الدينية الدنيا اليدوية اللي بينهم تلاقي بينهم ايش - [00:17:53](#)
اذا علاقة سورة البقرة بالشياطين ايش؟ تنفر منها الشياطين علاقة سورة البقرة بالملائكة تنزل الملائكة بقراءتها. ثلاثة عن ابي هريرة وسهم ابن سعد رضي الله عنهما ان النبي صلى الله عليه وسلم قال لكل شيه سنام - [00:18:13](#)
مش سنان سنامة سنام. اه سنام لاني مثل اسنمة البخت. صح؟ اسلمة سلام. يا سلام عليك يا استاذ. هذا جاء على بالي الحديث. مع اني عندي مكسور السين بس ما بدري كانها هي هيك في الكتاب ده الكتاب - [00:18:43](#)

لكن ما عاد بني سنام سنام زي سنة من البعير صح؟ سنة سنة من البعير اعلى مكان في الايش؟ في البعير بل هو تصور بعير بدون سنن كيف بكون؟ مثل الحمار. صح؟ وبعدين - [00:19:03](#)

احسن لحمة في البعير اي بغششكم. اللحمة اللي في ظهر البعير اللي تحت السنام. احسن ان احنا من البعير اللي في ظهر البعير اللي تحت ايش؟ السلام. يقول لك هذا السنام كله دهن وبيحمي هذه اللحمة ويغذيها من الشمس - [00:19:23](#)
بيحميها من الشمس فهي افضل انواع اللحم. واليوم في مطار بلاد الكفر الان يتجهون الى في مطاعمهم الان الى استعمال لحوم الابل. لانه قالوا هو الحيوان الوحيد اللي ما بيمرض. اكلوا جاج اصبهم ايش؟ انفلونزا - [00:19:43](#)
اكلوا غنم اكلوا كلها بصفة امراض. الحيوان الوحيد اللي نادر يصيبه الا ممكن جرب او يعمل اما قليل جدا لما تعرف ليش ما بيمرض؟ لانه طول النهار ياكل من الايش؟ من العشب والعشب - [00:20:03](#)

اللي بحبوا هادا اللي هو زي الشوك هادا. هذا العشب جدا الان بيعملوه علاج للظهر وعلاج وين الجماعة تبغنا عشان هذا الزهر فيها شوك هادي هادي يعني اذا بتطحنه وتحطه على على مكان على ضهرك ملتهب او كذا مثل بيت النار فصاروا يعالجوا يعالجوا بهذا - [00:20:23](#)

السلول اللي بيطلع في الايديين هذا لو تجيب الشوكة هذي وتسويها فيه هيك وتقطعها فيه وتسبها. ثاني يوم اللي هي تقع. صح؟ قوية كلها هلا. يعني انت ما ما بتعرف تمسكها بايدك وهي كلها. فتجد هذه المادة لما يكون لها هذه المادة هي عبارة عن مضادات حيوية. فاتجهوا - [00:20:43](#)

الان كل سندوتشاتهم مطاعمهم واللحمة والطبيخ كلهم من اللحمة الايش؟ الابل. بس ايش؟ عشان تاكل لحمة الابل لازم تتوضأ مش تاكل لحمة ابل وبس. طب ليش نتوضأ ملئ الدخلى يا رسول الله نتوضأ من لحم الجوزور؟ قال نعم - [00:21:03](#)
ما سألو ايش؟ خلص. اما القصص اللي بيروها آآ في هذا موضوعة وضعيفة. آآ سألو يا رسول الله نصلي اه نتوضأ من لحم الابل؟ قال نعم. نتوضأ من لحم الغنم؟ قال نعم. فلما تاكل لحم الابل لحم طيب - [00:21:23](#)

تتوضأ طيب هذا السلام للجمل آآ سورة البقرة بالنسبة للقرآن مثل ايش؟ مثل وان سنام القرآن سورة البقرة يعني مش عاوز سورة البقرة ايش؟ مضيع. محروم والله. احفظها وحفظها لمرتك - [00:21:43](#)

ولادك. سورة الملك. ثلاثين اية. بتنجي صاحبها من ايش؟ من عذاب القبر اما انت شاطر بس. الافلام والمباريات. اما تحفظ سورة الملك. سورة البقرة اذا معناها قمة القرآن هي سورة الايش؟ نقدر - [00:22:13](#)

قمة القرآن اعلى شئ في القرآن سورة البقرة. الحديث الرابع عن ابي امامة الباهلي رضي الله قال سمعت رسول الله صلى الله عليه وسلم يقول اقرأوا القرآن. فانه يأتي يوم القيامة - [00:22:43](#)

ها شفيعا لاصحابه. القرآن كله وبما فيه سورة البقرة يأتي يوم القيامة ايه؟ شفيعا شفيعا لاصحابه يشفع لك القرآن. اللي هو ثواب ايش؟ ثواب قراءة القرآن تتجسد لك هذا الاجر مش القرآن. القرآن كلام الله غير مخلوق. في بعض الناس بيستدل بمثل هذه الاحاديث على ان القرآن ايش - [00:23:03](#)

مخلوق لا ثواب العمل مثل ما وانت في قبرك يدخل عليك ايش؟ شاب شديد بياض الثياب وجهه جميل ريحته طيبة تقول له من انت وجهك الذي يدل على الخير؟ بقول لك ايش - [00:23:33](#)

ان عملك الصالح. اي العمل الصالح تجسد في صورة ايش؟ شاب. وكذلك العمل السيء. احسن اثقل شئ في الميزان يوم القيامة حسن الخلق. الثواب حسن الخلق يوزن يوم القيامة من الاعمال الصالحة تتحول الى ايش؟ الى اعراض وتوزن يوم القيامة. ايوة. فالنبي صلى الله عليه وسلم تصور النبي صلى الله عليه وسلم بيقول لك اقرأ القرآن اقرأ - [00:23:53](#)

اقرأ يا عبدالله تقرأ. فانه يأتي يوم القيامة شفيعا لاصحابه. يقول صلى الله عليه وسلم اقرؤوا الزهراء الزهرة. الزهرة في النبات بتكون ايش؟ احسن اشي فيها. البقرة وسورة ال عمران - [00:24:23](#)

زهرتين فانهما ياتيان يوم القيامة كأنهما غمامتان. او انهما غيايتان. الغمامة معروفة. والغياية مثنى غياية والغياية هي كل شئ يستظل به الايش؟ به الانسان. او كأنهما فرقان من طير صواف تحاجان عن اصحابهما. يعني يوم القيامة بيبجي فيهم ايش؟ يا حاج - [00:24:43](#)

يا سلام انت بس واترك سورة البقرة وال عمران يعملوا شغلهم يوم القيامة لانك حفزتهم وعملت بما فيهم وصليت بهم. ايوا يقول اقرأوا سورة البقرة فاذا ان اخذها بركة. يعني اللي مش حافز سورة البقرة ما فيش فيه بركة - [00:25:23](#)

ولذلك اه حافظ القرآن بركة. مش تروح تتمسح فيه. يعني الاستاذ ابو محمد حافظ القرآن حافز مش نروح نتمسح فيه لا. سورة البقرة والعلماء هم بركة بعلمهم مش بذاتهم صوفية في بعض الناس بيحبك بشوفك حافظ القرآن بتلاقه يجي يتمسح فيك. لا هذا غلط - [00:25:53](#)

العلم بركة. سورة البقرة بركة. فان اخذها بركة وتركها حسرة طيب اللي مش حافز سورة البقرة تحسر الان اللي مش حافزها لغاية الان؟ تحفظ؟ زعل حافظ سورة البقرة هي بركة. بركة في كل شئ. وتركها حسرة - [00:26:23](#)

ولا يستطيعها البطلة. مين البطلة؟ السحرة. السحرة. الحديث هذا خلينا نطلع الفوائد اللي فيه. اذا اذا بتقرأ الايش اذا القرآن او من اهل سورة البقرة وال عمران. اول شئ آآ ان سورة البقرة - [00:26:53](#)

تظل الانسان صاحبها يوم القيامة. هاي فائدة. اتنين تدافع عنه تحاج عنه. ثلاثة بركة بركة يعني وانا بدي احكي لكم لما اوصفت بالمرض هذا وذهبت الى العمرة وشربت من زمزم وكنت اقرأ سورة البقرة باستمرار. حتى اني صليت بها في المسجد - [00:27:13](#)
حرام ثلاث مرات كلها اصلي فيها يعني قبل الجمعة بطلع الخطيب اصلي فيها بين الظهر والعصر ففعلا ناموا ركض وفي اخ من اخواننا بيحضر درس الجمعة صباح الصبح لقي نفسه ما يستطيع يمشي مشلول النصف الاسفل ما يتحرك. وقال ما ذهبت لاحد ما -

[00:27:43](#)

من غير ادعو واقرأ سورة البقرة. ادعو واقرأ سورة البقرة ادعو واقرأ سورة البقرة. قال مريت اربع ايام الا صحيت من النوم ولا انا امشي كما كنت فهي ايش؟ لانها ايه؟ بركة. لانها بركة. ايوة اربعة لا يستطيعها ايش؟ فاذا ربحت - [00:28:13](#)

قال لكل الدنيا يجتمعوا عشان يشتغلوا لك في السحر وانت من اهل القرآن ومن اهل سورة البقرة ما يستطيعوك ان شاء الله ما تخاف من الله ما تخاف هاه هاه - [00:28:33](#)

يعني توفى كل واحد يقدرها وبعدين لما تكون مثلاً داخل على واحد مشعوذ اقرأ سورة البقرة. بتلاقي الدنيا كلها بتتخربط وفي اخ من اخواننا مرة راح على على واحد بيشعوذة على انه يعني ايه يكتشف شو بيدجل. وبس دخل - [00:28:53](#)

طريق رفع اية الكرسي. والدنيا كلها ايش؟ خربت جوة مع مع الساحر. فطلع كان يا جماعة فيكم حد مش طبيعي. الدنيا كلها الشياطين فلوم والشغل تبعه توقف جوة في الغرفة. الساحر هذا عنده غرفة - [00:29:23](#)

ببشتغل فيها ويقرأ على هذا فيها ويحضر الشياطين فيها. مراته ما بتدخلهاش. مراته ما تدخلها ولا عياله فشاف الشياطين ايش؟ راحت وبطل يقدر يتعامل معهم لان في واحد قاعد بقرأ ايش - [00:29:43](#)

مرة اخ من اخواننا اه من اه الاكراد من اه من اربيل من اه من هذي شسمها كردستان شو اسمها ايوه كركوك لا لا هو اخونا اسمه ايههم طالب علم في الجامعة الاسلامية واحد من الشباب بنعرفهم يعني بيقراً على مش عارف ايه - [00:30:03](#)

وبس تعمل ايديك هيك اذا نزل كذا يبقى انت مسحور اذا طلع كذا يبقى انت شارب سحر شغل كله ما انت منين جبت الكلام هذا؟ قال له انا يعني هيك عندي مرات كذا. قال له طيب انا باجيك واقرا عليك. فانا قلت الاخ - [00:30:33](#)

بده يجي عندي. قلت له انت هو يقرأ عليك وانا اقرأ اية الكرسي لا توقف. وانا حكون قاعد بعيد وبقرأ اية الكرسي. خلينا نشوف. هو اللي احنا فالاخ اجا وصار يقرأ آيات قرآنية يعني مش دجال الاخ بس الشغلات هذي. فصار يقرأ واخونا هذا المريض - [00:30:53](#)

اية الكرسي وانا اقرأ اية الكرسي. وهذا يكرس في البقرة. يقرأ يقرأ يؤذن. صوته راح وايش؟ عشان ايديه تحرك ما هو لازم الناس تتحرك عشان يبين انه وايديه ما تحركت. بعدين قال خلاص ده انت بدك كمان جلستين ثلاثة حتى يعني - [00:31:13](#)

ما استطاع. لكن لما يكون الانسان ضعيف ورايح ويثق في هذا الانسان مجرد ما يقرأ عليه اصلاً انت سوي هيك شوية بس عشر دقائق شو بصير؟ قلت له لا عاد اعمل هيك لحالك. ارفعوا لي راسه تسوي هيك. ما لهاش علاقة - [00:31:33](#)

فانت كن دائماً اية الكرسي وسورة البقرة السحرة ما بقدرتوا عليك. واليوم الناس والله والله بخافوا من السحرة اكثر من الخوف من الله. يبجي يقول لك هذا نسايبنا الجداد فيهم واحدة - [00:31:53](#)

اي شيء يصير في البيت او في الولاد او البنت تتأخر زواجها يقولوا ايش؟ مسحورة عملوا لها سحر. يا اخي خلي كل السحرة اجتمعوا وانت اقرأ سورة البقرة ان شاء الله ما ايوه خمسة عن النواس بن سمعان رضي - [00:32:13](#)

رضي الله عنه قال قال رسول الله صلى الله عليه وسلم يؤتى بالقرآن يوم القيامة واهله. اسأل الله ان يجعلنا واياكم يؤتى بالقرآن يوم القيامة واهله الذين كانوا يعملون به في الدنيا - [00:32:33](#)

من يعملون به يعني يؤدوا حقه. يقوموا الليل يحلوا حلالهم حرامه يتخلقوا بالاخلاق اللي فيه وكان النبي صلى الله عليه وسلم لما تسأل عائشة عن اخلاق النبي صلى الله عليه وسلم ايش تقول؟ كان خلقه قرآن. اما انت حافظ القرآن - [00:32:53](#)

بتدخن وبتقرأ على الميتين وبتكذب. فش هذا حجة عليك ايوة واهله الذين كانوا يعملون به في الدنيا ايها القرآن ها تقدمه سورة البقرة وال عمران ماشي في الاول وضرب لهما رسول الله صلى الله عليه وسلم ثلاثة امثال - [00:33:13](#)

ما نسيتهن بعد. اللي هو او النواس اللي سمعان. يقول قال النبي صلى الله عليه وسلم كأنه غامتان او ظلتان سوداوان بينهما شرق شرق يعني يوم القيامة كانهم ايه صحفتين وبينهم ايش؟ وبينهم ضوء. اي او كانهما فرقان من طير - [00:33:43](#)

صواف تحاجان عن صاحبهما. سورة البقرة وال عمران لذلك بلش. بلش سورة البقرة بهذه النية انك تكون من اهل سورة البقرة وال عمران. يا سلام. تعرف سورة البقرة وال عمران قديش كم جزء - [00:34:13](#)

ها؟ اكثر. اربعة وشوية ها؟ اربعة وشوية. اربعة ونص. خلاص بتتشجع على طول يعني تصور واحد صار معاه اربع مئة دينار بيتشجع يكملهم الف ولا ما بيشجعش؟ بتشجع؟ لو صار معه - [00:34:33](#)

يشد حيله بصير الف ونص. لما صاروا الف ونص بتشجع بخيلهم الفين. لما صاروا الفين بتشجع بخيلهم الفين ونص. لما تخلص القرآن

كلنا زعلنا. هيك تنافس مع واحد وتحفظ على ايد شيخ وتسمع له وتضلك مستمر ولو شيء - [00:34:53](#)

سنة عن ابي امامة الباهري رضي الله عنه قال قال رسول الله صلى الله عليه وسلم اسم الله الاعظم الذي اذا دعي به اجاب في ثلاث سور من القرآن. اه مين يعرف؟ البقرة - [00:35:13](#)

ال عمران طه. في البقرة في اية الكرسي. وفي ال عمران الف لام ميم الله لا اله الا هو الحي القيوم. وفي طه في البقرة اللي هي الله لا اله الا هو الحي القيوم. وفي طه وعنت الوجوه للحي - [00:35:33](#)

خيو. اذا اسم الله الاعظم الذي اذا دعي به اجاب ايش؟ الحي القيوم. ولذلك من الدعاء ان تقول ايش؟ يا حي يا قيوم برحمتك استغيث. يا حي يا قيوم برحمتك هيك بين يدي الدعاء - [00:35:53](#)

تدعو يا حي يا قيوم برحمتك استغيث وتغضب. او لا اله الا انت سبحانك اني كنت من الظالمين وتدعو طب دعاء مين هذا اللي انا حكيته؟ يونس عليه السلام. ما النبي صلى الله عليه وسلم يقول ما دعا به احد الا استجاب الله له - [00:36:13](#)

شوف كيف العلم ما احلاه طب فيه ناس والله بقول لك في حياتي ما دعيت بدعاء ذي النونة دعا ذا النون وهو في بطن ظلمات بطن الحوت وبطن القبر وظلمة الليل ودعا هناك في مكان ما حد يتسجن فيه قبله ونفعته - [00:36:33](#)

ودعا فاستجاب الله له فضائل اية الكرسي هذه كانت فضائل سورة الايش؟ البقرة. فضائل اية الكرسي. واحد عن ابي عن ابي ابن كعب رضي الله عنه قال قال رسول الله صلى الله عليه وسلم لابي يا ابا المنذر اذا بجوز الواحد ينادي على على - [00:36:53](#)

كنيته. وان الانسان لازم يكون اله ايش؟ كنية. كنية. ومش لازم بس تتجوز يكون الكنية بسم الولد ولا البنت اللي جتك لا ممكن تكني حالك بكون ياه غير الاسم ابنك. اخونا الشيخ علي اسمه ابو ايش؟ ابو الحارث - [00:37:23](#)

وابنه الكبير اسمه ايش؟ حسن. واخونا ابو اليسر. ابو اليسر. لكن اه ابني الكبير فش مشكلة. عائشة ما جاش ولادة رضي الله عنها كانت اسمها ايش؟ تريد تاء. ام عبد الله - [00:37:43](#)

فارفعوني مثلا اسمه محمد. لكن هو سمى ابو محمد لانه جاه محمد. واحنا كلنا هيك. واذا جاء بنت باسم كان باسم البنت. لا يكون لك كنية وحتى وانت ولد صغير. لو كنيت ابنك الزغير بكون ياه واسمه يعرف يعرف ينادي من الايش؟ من السنة. يا ابا المنذر طيب -

[00:38:03](#)

في نادي في نادي لصاحبك او لاختك بكنيته ولا باسمه؟ هذا جائز وهذا جائز. الحمد لله احب اشي احب اشي اله. يعني اذكر مرة واحنا هيك في بداية طلب العلم بقول للشيخ ابو عظيم ايش - [00:38:23](#)

اقول لك يا شيخ عبد العظيم ولا يا ابا احمد؟ قال لا. يا ابا احمد. ما فيش مشكلة بعدين واحد ما بتعرفوش ناديه بايش؟ ناديه بكنيته اذا بتعرف الكنية ما بتعرفش هي طبيعته كنية - [00:38:43](#)

اما اذا ما بتعرفوا وناديتوا باسمه ممكن تأخذه العزة بالاثم وتصير مشكلة اقول لك انا بشتغل عند نديه بكنيته. ايوه اتدري اي اية من كتاب الله اعظم في فرق بين صورة واية. قل له اتدري اي اية من كتاب الله اعظم - [00:39:03](#)

قال قلت لله ورسوله اعلم. الله اعلم ورسوله لان ايش؟ بياتيه الوحي موجود عاذا عليه. عاذا عليه مرة ثانية. فقلت الله لا اله الا هو الحي القيوم. اجاب اول مرة قال الله اعلم ظن الموضوع يعني ما بيعرفوش. فلما عفا عليه مرة ثانية قال الله لا اله الا هو الحي القيوم

اللي هي سورة - [00:39:33](#)

اية الايش؟ كرسي. قال فضرب في صدري وقال والله ليهنك العلم ابا المنذر. شو معنى هنيئا لك بهذا العلم. ولا هو الانسان بيترفع بيرفع ببطنه ولا بفلوسه ولا بمنصبه العلم بس الشيء الوحيد اللي يرفع الانسان في الدنيا والاخرة العلم. في الاخرة يرفع الله الذين

امنوا - [00:40:03](#)

منكم والذين اتوا العلم درجة. في الاية الدنيا ولا في الاخرة؟ ايش اللي بيقدمك تصلي بالناس وفي احسن منك؟ العلم هو حفظ القرآن. يجي اطلعك فوق على المنبر تخطب والناس اللي قاعدين فيهم من هو اعلم منك. ايش اللي رفعك؟ العلم. لا يمكن ترتفع. طب

بالله عليك الشيخ الالباني - [00:40:33](#)

اني اجا طفل من اه المانيا عمره كم سنة يا شيخ عبد اللطيف؟ اربع سنوات صح؟ سنة؟ تسعة. تسعة. مو دخل متعلم وما راح مدرسة ولا اتخرج من جامعات والان اذا ذكر الباني او البانيا لا يعرف الا مين - [00:40:53](#)

صح اجوا لرفعوا الفلوس اللي جابها من المانيا مليون بيت الماني لكن اذا ذكر اخواني اذا قلت الالباني معروف الشيخ محمد نصر الدين. صح ولا لا؟ ايش اللي رفعه؟ علم. حلم يرفع - [00:41:13](#)

وافضل العلم ايش؟ قرآن وافضل العلوم اللي هو تفسير القرآن. يعني اللي اللي بعيد عن القرآن ولا يقرأ قرآن ولا بيقوم الليل ولا بيتدبر القرآن اللي بي فهم القرآن هذا محروم. ها يقول شو حياته - [00:41:33](#)

وكيف كيف يتغنى بالليل؟ ها ام كلثوم ولا عبد الحليم؟ كيف بدك تناجي ربك؟ عالم الواحد يقول قديش بتحفظ بالقرآن؟ قال له فش. قال لي. وكيف بتناجي ربك؟ كيف تقوم بالليل؟ زي مين؟ اما لما يكون - [00:41:53](#)

قرآن في صدرك تقوم به الليل وتقرأ هيك وشوية شوية تتفكر والله سبحانه وتعالى هو يتكلم معك لما تقرأ آيات الله سبحانه وتعالى بيخاطبك. يا ايها الذين امنوا هذا كلام الله عز وجل. شف شو الله - [00:42:13](#)

شو بده منك؟ تفعله. شو بينهاك؟ شو بياؤمرك؟ مش بس بتقرأ وخلص. لما تيجي على المسجد وتسمع الامام بيصلي. مش همك انه يخلص الامام افهم تسمع الايات هذي اللي بتقرأها اللي بتنقرا عليك هذي. لان القرآن اذا دخل في العقل ورسخ في القلب - [00:42:33](#)

بينفع كم من انسان نفعه الله بالقرآن؟ كثير. العرب في الجاهلية كان لما يرجع للنبي صلى الله عليه وسلم كان يقرأ عليهم بس القرآن وكانوا يفهموا واعرفوا ان هذا كلام الله وان هذا لا يمكن يكون كلام البشر يفهموا هم الكلام ويزيدوا الكلام بس عرفوا ان هذا كلام الله عز وجل. فكان يفهم - [00:42:53](#)

نحن الذين سبب الرفعة للمؤمن للانسان شيان ليس فقط الايمان والعلم نعم بقدر ما كان عند العبد ايمان صحيح وقوي اي العقيدة طبعاً والله برفعه طبعاً بلا شك بلا شك لكن كل يوم - [00:43:13](#)

كل مؤمن كل مؤمن له رفعة. له رفعة. لكن ليس المؤمن المؤمن الله سبحانه وتعالى يرفعه. لكن المؤمن العالم ها في مؤمن مش عالم في مؤمن عالج. ايها اعلی وارفع المؤمن العالم. لكن الانسان طبعاً هو - [00:43:43](#)

اذا مش مؤمن اصلاً هو مع البهايم. اذا ما هو مؤمن لكن مجرد ما امن ارتفع بهذا الايش؟ الايمان. ولذلك لما امن ودخل الجبال قلبه ورسخ في قلبه ببداً الله عز وجل يتعامل معه معاملة اخرى غير معاملة الكافر. بيتليه احسن - [00:44:03](#)

ناسوا ان يتركوا ان يقولوا امنا وهم لا يفتنون. ولذلك لما انت بتأمن او بتتجه صح وتمشي مزبوط. بتبدأ هناك ايه؟ امتحانات ابتلاءات مش بقول لك الله اكبر. طب انا بصلي. وبصوم بطيع الله. وليش الابتلاءات هذي - [00:44:23](#)

جاري كافر دجال وفلوس حبطرش وعيال ودنيا كلها عنده. لا مقياسك غلط. انت الله عز وجل بعد ما انت الله سبحانه وتعالى بيتليك علشان يميز الايش؟ الصادق من الكاذب. حتى تعرف ان فالانسان بيطلع بعد الابتلاء ايش - [00:44:43](#)

في في غزوة الاحزاب لما ابتلي المؤمنون بالاحزاب من كل مكان. هنا فرز النفاق وتفرج الايمان. اول ما رأى المنافقون الاحزاب ايش قالوا؟ قالوا ايش قال؟ اذ قال طائفة مائة ما وعدنا الله ورسوله الا غرورا. اما لما رأى المؤمنون الاحزاب قالوا يا هذا ما وعدنا الله ورسوله - [00:45:03](#)

وصدق الله ورسوله وما زادهم الا ايماناً هذا تسليماً عندي دائماً الشدة بيظهر ايش؟ بيظهر الايمان وبينفضح النفاق. اظن اذا كان ذكرنا في في خطبة الجمعة ان من الحكمة في - [00:45:33](#)

اخبار النبي صلى الله عليه وسلم بنزول الفتن في الامة لان دائماً في الفتنة الفتنة بتظهر مين؟ تظهر المنافقين. يبين ايش خلاص؟ طيب. خينا عند فضائل شفت غدا اية الكرسي ان شاء الله - [00:45:53](#)

هذا سبحانه الله. الشغلة الوحيدة اللي بحبهاش في الفاعوري. عارفين ايش هي؟ انه يقول لي خلاص الوقت خلص بس لو انه يبطل الشغلة هذي بصير مية مية. يلا معلش. وصلى اللهم على محمد وعلى اله - [00:46:13](#)

وصحبه وسلم وجزاكم الله خير - [00:46:33](#)